

補過齋文牘

辛酉三月

父水王學曾題

補過齋文牘辛集二

令文彙編二

起四年五月
訖六年六月

指令烏蘇營縣印委呈報查獲偷種煙犯文

指令昌吉縣知事呈報查禁煙苗情形文

指令昌吉縣呈請創設官炭局文

指令喀什道尹呈覆南疆蠶桑局利弊文

指令郵局呈報遇有招差爲難時地方官應極力

贊助文

指令塔城知事呈稱監犯王槐得情有可原文

指令烏蘇知事呈報楊福等並非煙犯文

和通商之片
指令兼營長鄔銘魁呈請試辦庫爾泰銅鑛文
批奇台德豐厚等商號稟請試辦皮毛公司文
示禁纏女早婚文

通告政界各員自謀生計文

指令皮山談知事鳳翼稟陳南疆居官習慣文

指令英吉沙縣知事李義稟報地方情形文

指令莎車縣劉知事電請添設巡警文

訓令喀阿兩道尹禁革稽查偵探巡長名目文

指令庫車縣知事桂芬呈斗行累民情形文

指令拜城馮知事稟陳抵任情形文

訓令鎮西縣知事陳汝彬遵照規定皮毛公司辦法文

指令喀什道尹轉飭疏附縣民立漢語學校刪除俄文功課文

批皮山戶民稟控圩子巴什等藉端苛派文

訓令文武各機關通用和闐皮紙文

通令各屬永遠禁革稽查名目文

指令葉城縣呈報纏民土的殺女圖賴文

批吐魯番紳民稟懇將陳知事久任文

指令焉耆縣呈據戶民請免交蒙部草場租金文

通令各屬知事嚴禁貪贓文

指令阿克蘇金知事稟報捐廉種樹文

通令各屬不准聘請土耳其人充當教習亦不准

土人設立學堂文

指令伽師知事蔣先燾呈設立牧畜公司文

指令洛浦縣呈報沙得克毆傷余宋身死文

通令各知事呈報任內政績文

通令嚴禁差徭累民文

批迪化當商等呈請變通加息文

訓令各屬不得任情更換教員文

通令各縣所屬鄉莊阿洪不准地方官派充文

通令各縣知事毋得藉案罰金文

指令伊寧縣呈判賈義春誤傷托乎大洪身死一

案文

指令昌吉縣徐知事呈請將馬振福一案咨院解

釋文

訓令各道尹外人在中境行銷煙土應嚴行防範

文

訓令塔城道尹纏民已懇熟地不准哈薩爭占文

補過齋文牘辛集二

蒙自楊增新鼎臣

令文彙編

指令烏蘇營縣印委呈報查獲偷種煙犯文

查禁煙苗功令綦嚴疊准部咨由部派員會同英員
來新勘查本巡按使深恐各地方文武查禁不力貽
誤全局疊經飭令嚴禁並通示曉諭人民不啻三令
五申該縣所屬甘家湖地方竟有偷種煙苗情事奸
民愍不畏法實堪痛恨自應從嚴懲辦以儆效尤而
清毒卉乃來呈所擬辦理煙犯各節意在多方開脫

殊屬不知政體查甘家湖向爲遊民偷種煙苗之地據稱該處草木叢雜水深難渡及至其境查獲煙犯多名派兵守護旋即脫逃僅餘六人等語官兵入湖既如此其難而煙犯出湖則又若此其易難保無縱逃情事又稱訊據該煙犯等供稱在此偷開荒地以備種糧比逐一履勘共開地十餘畝內有煙地二畝餘等語查奸民種煙往往在深山大澤該處地方幽僻視察難周故該犯等前往種煙如果實係播種糧食則近城各處多有可開之地何必於幽僻無人之處前往開荒所供殊難憑信又稱該犯等畏罪潛逃

尋覓無跡等語該煙犯等既稱種糧何必畏罪潛逃
況既派兵守護何至逃逸若此之多據李正福等供
稱均屬僱工何以首要各犯全行逃逸殊不可解至
來呈請將所獲煙犯六人准其作爲向導將功贖罪
取保開釋一節該印委等此次查拏煙犯已獲者既
縱之使逃未逃者復率請開釋視禁煙功令等於兒
戲實屬心地糊塗現在禁煙萬分喫緊所有查獲煙
犯立予槍斃執法如此其嚴尙有以身試法大膽偷
種者若如該印委等所擬勢必人人種煙人人保釋
新疆煙苗終無禁絕之一日一經英員查出各地方

文武誰能當此重咎將來貽誤禁煙之全局者不在
各省必在新疆也除該犯李正福一名業經電飭槍
斃外其餘趙子科等五人仰卽訊明向執何業此次
如何種煙各情形開具確實供摺聽候核辦毋得一
味因循致誤全局

四年五月初七日

指令昌吉縣知事呈報查禁煙苗情形文

新疆禁煙與內省情形不同內省種煙之人多係土
著如一莊之內有一二人種煙同莊人易於覺察新
疆種煙之人多係游民會匪在於深山大澤無主官
荒地內偷種下籽則來收漿則去有時種煙之地被

官處查獲若輩畏罪遠颺雖姓氏里居亦無從查考其種煙人犯多係匪徒難於拏辦其種煙地畝多係官荒無從充公來詳所稱查出煙苗三十餘處不知何人所種無從拏辦亦係實情惟新疆種煙人犯其伎倆如此之狡則懲辦不能不較內省加嚴所以本巡按使疊次通飭拏獲種煙人犯准其呈請槍斃意在懲一儆百使知畏懼則冬花可以翻犁春花不致下種庶可速收效果不然本巡按使無日無事不以愛民爲念何獨於種煙人犯深惡痛絕至於如此今年認真查禁辦有成效則明年自無人再種將來禁

煙期限屆滿不致以新疆一隅貽誤全國故不敢博
寬大之名稍爲輕縱反使多數人民陷於法網而不
自覺也呼圖壁山內向爲游民會匪麇集之區種煙
最多據委員查報本年種煙約有三分之一殊屬駭
人聽聞尤應認真查禁前經批准槍斃煙犯三名已
足示儆其餘限日勒令翻犁如敢抗違應卽嚴查懲
辦毋稍寬縱

四年五月二十九日

指令昌吉縣呈請創設官炭局文

昌吉官用柴炭積弊甚大訪聞縣署常年約需柴二
百七八十車不發價錢均向民間攤派由附近百姓

運送縣署其煤炭一項每年約需十數萬觔每嵐炭百觔發價三錢煙炭百觔發價二錢因昌吉並無煤礦由鄉約派令由昌來省糧車在省城西山窰一帶回頭拉炭以供縣署之用百姓雖不貼賠炭價亦無車價可領此種積弊陳陳相因向來無人肯發其覆該縣視事未久卽思革去前弊剔除民困用意可嘉惟察核來呈所擬辦法尙多缺點如發款購車一節所發之款是否歸該知事擔負並未聲明此後經理接收各辦法亦未議及況據稱各農約欲將購車款項酌由大眾公賠又屬萬無此理蓋購車運炭所以

革除向來攤派之擾今又以派款購車苦累閭閻萬一此後遂成慣例年年購車歲歲攤費官以爲特別之利權民以爲正供之支應是一弊甫去一弊又生無異以暴易暴也縱該知事自問無他可以初終一轍能保繼任者之不別生枝節乎大凡辦理地方興革總要前後思維防微杜漸始爲妥協否則割臂補肩終歸一痛其得失有何差等至該農約聲稱此項攤款聽憑殷戶輸將決不下鄉勒派該知事遂信以爲實試問該農約若不勒派家中並無銅山金穴從何措繳此等似是而非之言最宜深察萬不可輕率

從事以致受人挾持總之創辦官炭局名目北路各縣從前並未辦過不宜由該縣作俑致滋流弊若因縣署需用炭觔而專設一官炭局尤爲不必應將農約王才等所認交之車價速作罷論不得向民間派收如已經派收卽速發還以免輾轉至此後規定永久辦法宜由該縣勸導邑中殷實商民設立炭廠由該商等自定章程集股興辦官不干涉始能公家無需用不繼之憂民間有貿易自由之樂事關民生利病所有請設官炭車局呈准立案之處應毋庸議仰

卽遵照

四年五月三十日

指令喀什道尹呈覆南疆蠶桑局利弊文

南疆和于洛莎葉各屬地暖宜蠶爲民間天然大利源乃自設省之初疆吏卽力爲提倡至今日而轉成虐政因纏民不知收養蠶子之法地方官遂買外國蠶子以轉賣民間每蠶子一盒僅費成本銀數錢或至兩許其向民間收價則收至三兩數錢或收至五百兩百姓未收養蠶之利而先受養蠶之害其不知養蠶者領取蠶子後將蠶子拋棄甘心賠墊價銀以輸之於官而發賣蠶子遂爲地方官開一絕大利源假興利之名行罔利之實而爲長官者亦眩於振

興實業之美名聽地方官之魚肉小民而毫無覺察
甚矣新疆之官之巧於漁利而新疆之民之困於苛
政而無可控訴也查中國蠶業以江浙川楚等省最
爲發達假如在江浙川楚等省服官者以數錢一盒
之蠶子發與百姓每盒勒收價銀數兩百姓能安然
聽受乎何以不能施之於內省之民者而必欲施之
於邊省之民不仁不恕至此而極此本巡按使於南
疆官吏發賣蠶子之事不能不嚴爲禁絕也中國官
吏不知設官爲何事好利之心重而愛民之念輕已
含有營業性質天下事未有利於己而不害於人者